

人將兵衆萬騎以護送烏桓為名師古曰陽言云護送烏桓人衆實來為寇

宋祁曰注文陽字楊本作揚勒兵朔方塞下朔方太守以聞明年西

域車師後王須置離謀降匈奴都護但欽誅斬之置離

兄狐蘭支將人衆二千餘人毆畜產舉國亡降匈奴師古

曰毆與驅同舉其一單于受之狐蘭支與匈奴共入寇

擊車師殺後成長師古曰後成車師小國名也長其長帥也傷都護司馬復

還入匈奴時戊己校尉史陳良終帶司馬丞韓玄右曲

候任商等見西域頗背叛聞匈奴欲大侵恐并死即謀

劫略吏卒數百人共殺戊己校尉刁護師古曰刁音貂遣人與

匈奴南犁汗王南將軍相聞匈奴南將軍二千騎入西